

Uunga siunnersuut: Eqqissimatitsisarneq aamma allatigut kulturikkut eriajisassanik kulturikkut kingornussatut illersuineq pillugu Inatsisartut inatsisaannik allanngortitsineq pillugu Inatsisartut inatsisaat nr. xx, xx. xxx 2018-imeersoq

(Nunami allanngutsaaliukkami, Biosfære-qarfiusumi Kalaallit Nunaata Avannaani aamma Kangiani illersuinnermut aalajangersakkat sukannernerulersitat, illunik aserfallatsaaliineq iluarsaasarnerlu pillugit malittarisassani erseqqissaaneq aamma kulturikkut kingornussat sumiiffinni kulturikkut oqaluttuarisaanermut tunngasut inissisimaffigisaanni ingerlatat sunniutaasa nalilersorneqartarneri.)

Akissuteqaat

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Aappassaaneerinnineq

Kultureqarnermut, Ilinniartitaanermut, Ilisimatusarnermut Ilageeqarnernullu Ataatsimiititaliaq siunnersuummut saqqummiunneqartumut isumaliutissiissuteqarpoq.

Naalakkersuisut ataatsimiititaliaq qutsavigaat siunnersuummik peqqissaartumik suliarinnissimanerannik, iluarisimaarlugulu maluginiarlugu ataatsimiititaliap isumaqatigiittup siunnersuut aamma aappassaaneerinnermut atatillugu Naalakkersuisut allannguutissatut siunnersuutaat ilalersormatigit.

Ataatsimiititaliap Naalakkersuisut kaammattorsimavaat siunnersuummik pingajussaaneerinninnissaq sioqqullugu allannguutissamik siunnersuuteqaqqullugit, inussunnik qanoq mianerinnilluni atuisoqartarnissaanik isiginiaasumik. Naalakkersuisut pilersaarput kaammattut akuersaassallugu, taamalu tamanna pillugu siunnersuutip pingajussaaneerineqarnissaanut allannguutissamik siunnersuuteqalersaarlutik.

Taamatut oqaaseqarluta Naalakkersuisut inassutigissavaat siunnersuut allannguutissatut siunnersuutaasunik imaqartoq pingajussaaneerineqarnissamut ingerlaqqissasoq.